



Masusing Banghay Aralin sa Araling Panlipunan 9

Pamantayan sa Pagkatuto at Codes:

Layunin:

- Naipapaliwanag ang kahulugan ng implasyon, deplasyon, at hyperinflation.
- Naipapaliwanag nang malinaw ang mga konsepto ng Boom, Depression, at Stagflation bilang bahagi ng ekonomiya.
- Naitutukoy ang kahalagahan ng bawat konsepto sa pag-aaral ng ekonomiya at pang-araw-araw na buhay.

Paksa: Konsepto, Dahilan at Epekto ng Implasyon

- ARLING PANLIPUNAN MELC WITH CODE
- ARLING PANLIPUNAN Sariling Linanging Ikatlong Maarkahan (pahina 19-20)

Pinahahalagahan ang kahalagahan ng tamang pag-unawa sa mga konsepto ng implasyon upang maging responsable at mulat na mamamayan na kayang intindihin ang mga pagbabago sa ekonomiya at makagawa ng angkop na desisyon sa pang-araw-araw na buhay.

Gawain ng Guro	Gawain ng Mag-aaral
<p>A. Panimulang Gawain</p> <p>1. Panalangin Bago ang lahat, tumayo ang lahat at tayo ay manalangin.</p> <p>Sino ang mangunguna sa pagdarasal?</p> <p>2. Pagbati Magandang Umaga!</p> <p>3. Balitaan Maaari mo nang iulat ang iyong balita.</p> <p>Maraming Salamat.</p> <p>4. Pagtatala ng mga lumiban</p>	<p>Mag-aaral A: Ako po</p> <p><i>(sariling dasal)</i></p> <p>Mga mag-aaral: Magandang Umaga po, Bb. Pangilinan!</p> <p><i>(magbabalita)</i></p>

<p>Sino ang lumiban sa araw na ito tagapagtala?</p> <p>Salamat.</p> <p>5. Pangkalahatang Panuto Sa loob ng sampung segundo ay isaayos ang inyong mga upuan at pulutin ang kalat Maaari na kayong umupo.</p> <p>B. Pagtatalakay ng Aralin (Lesson Proper)</p> <p>1. Pagganyak at Pagbabalik aral Para sa ating panimula maglalaro tayo ng mabilisang laro na 'Guess the Gibberish!'</p> <p>Ibibigay ko ang mga salitang ito na parang walang kahulugan. Kailangang hulaan ninyo kung ano ang tamang salita na may kaugnayan sa ating aralin. Ready na ba kayo?</p> <ul style="list-style-type: none">• I'm Plant Shawn• High Peer Inn Fly Shun• Stage Fly Shun• Fill Lips Curve• This In Flay Shawn <p>Tama! Ang mga nahulaan niyong salita ay ating tatalakayin sa araw na ito. Ngayon, pag-aaralan natin ito nang mas malalim para mas maintindihan natin ang implasyon at ang mga epekto nito sa ekonomiya.</p> <p>2. Talakayan Naranasan niyo na bang mapansin ang pagtaas ng presyo ng mga bilihin? Ano sa tingin ninyo ang tawag dito?</p> <p>Tama! Ang implasyon ay ang pagtaas ng pangkalahatang presyo ng mga bilihin sa ekonomiya. Sa madaling salita, tumataas ang halaga ng mga produkto na karaniwang binibili.</p> <p>May alam ba kayo na mga salitang kaugnay ng implasyon?</p> <p>Magaling! Ano sa tingin ninyo ang ibig sabihin ng deplasyon?</p>	<p>Tagapagtala: Wala po.</p> <p><i>(magpupulot ng mga kalat)</i></p> <p>Mga mag-aaral: Okay po, Ma'am.</p> <p>Mga mag-aaral: Handa na po!</p> <p>Mag-aaral A: Implasyon po.</p> <p>Mag-aaral B: Highperinflation po.</p> <p>Mag-aaral C: Stagflation po.</p> <p>Mag-aaral D: Phillips Curve po.</p> <p>Mag-aaral E: Dissinflation po.</p> <p>Mag-aaral A: Implasyon po, Ma'am.</p> <p>Mag-aaral B: Deplasyon po.</p>
---	--

<p>Tumpak! At may isa pang salita na hyperinflation. Ano kaya ang ibig sabihin nito?</p> <p>Eksakto! Hyperinflation ang sobrang bilis ng pagtaas ng presyo, na nangyayari sa mga sitwasyon kung saan nawawala ang kontrol sa ekonomiya.</p> <p>Ngayon, tatalakayin natin ang mga mahahalagang konsepto na kaugnay ng implasyon upang mas maintindihan ninyo ito.</p> <p>Una, ano sa tingin ninyo ang ibig sabihin ng Boom sa ekonomiya?</p> <p>Tama! Boom ay panahon ng mabilis na paglago ng ekonomiya, mababang unemployment, at mataas na pamumuhay.</p> <p>Pangalawa, ano naman ang Depression?</p> <p>Tama, ang depression ay ang kabaligtaran ng boom, kung saan mababa ang ekonomiya at mataas ang kawalan ng trabaho.</p> <p>Pangatlo, ano kaya ang Slump?</p> <p>Ano naman ang Recession?</p> <p>Tama! Ang recession ay pangmatagalang pagbaba ng ekonomiya na tumatagal ng ilang buwan o higit pa.</p> <p>Narinig niyo ba ang Stagflation? Ano kaya ito?</p> <p>Eksakto! Stagflation ay kapag tumataas ang presyo ng bilihin habang humihina ang ekonomiya, kaya mahirap ang kalagayan.</p> <p>Ano naman ang Reflation?</p>	<p>Mag-aaral C: Yun po yung pagbaba ng presyo ng mga bilihin.</p> <p>Mag-aaral D: Siguro po, sobrang bilis ng pagtaas ng presyo?</p> <p>Mag-aaral E: Parang masaganang panahon po, Ma'am.</p> <p>Mag-aaral F: Mahirap na panahon po, maraming walang trabaho.</p> <p>Mag-aaral G: Ang slump po ay kapag bumabagal ang ekonomiya, may pagbaba rin sa presyo ng mga bilihin.</p> <p>Mag-aaral H: Parang mahabaang pagbaba ng ekonomiya po, Ma'am.</p> <p>Mag-aaral I: Parang kapag mataas ang presyo pero walang trabaho?</p>
---	---

<p>Paano naman ang Disinflation?</p> <p>Magaling! Tama iyon.</p> <p>Ano ang ibig sabihin ng Inflationary Gap?</p> <p>Tama! Sobrang demand ang nagiging sanhi ng inflationary gap.</p> <p>At ang huli, ano ang Phillips Curve?</p> <p>Maganda! Iyan ang tinatawag na trade-off sa pagitan ng unemployment at implasyon.</p> <p>3. Paglalapat Para mas maintindihan natin, hatiin natin kayo sa mga grupo para magbigay ng halimbawa o maikling kwento tungkol sa bawat konsepto.</p> <p>Pagkatapos, ipapakita ninyo sa klase ang inyong ginawa. Naiintindihan ba?</p> <p>C. Paglalahat Ano ang napagtanto ninyo sa aralin ngayon?</p> <p>Bakit mahalaga ang pag-aaral ng implasyon at kaugnay na mga konsepto?</p> <p>Napakagaling! Maraming salamat sa inyong pakikilahok.</p> <p>Paalam.</p>	<p>Mag-aaral J: Ang reflation ay ang bahagyang pagtaas po ng presyo upang mapalakas ang ekonomiya pagkatapos ng recession.</p> <p>Mag-aaral K: Pagbaba po ng bilis ng pagtaas ng presyo pero hindi naman bumababa ang presyo.</p> <p>Mag-aaral L: Kapag mas malaki ang demand kaysa supply kaya tumataas ang presyo.</p> <p>Mag-aaral M: Ipinapakita nito na kapag mababa ang unemployment, tumataas ang inflation, at vice versa.</p> <p>Mga mag-aaral: Opo, Ma'am. <i>(Nagtutulungan, nagpaplano, nagpapaliwanag)</i></p> <p>Mag-aaral N: Na mahalagang malaman ang mga konseptong ito para maintindihan natin ang galaw ng ekonomiya.</p> <p>Mag-aaral O: Para makagawa ang gobyerno ng tamang mga hakbang para matulungan ang mga tao.</p> <p>Mga mag-aaral: Paalam, Ma'am.</p>
---	---

IV. Pagtataya (activity)

GAWAIN: HANAYIN MO AKO!

Panuto: Basahin nang mabuti ang bawat konsepto sa kaliwang kolum (Column A). Sa kanang kolum (Column B) naman, tuklasin ang tamang kahulugan o paliwanag ng bawat isa. Isulat ang tamang numero ng kahulugan sa patlang sa tabi ng katugmang letra ng konsepto.

Column A

A. Implasyon

B. Deplasyon

C. Hyperinflation

Column B

1. Pagbaba ng pangkalahatang presyo ng mga bilihan.

2. Sobrang bilis ng pagtaas ng presyo ng mga bilihan.

3. Pagtaas ng pangkalahatang presyo ng mga bilihan.

Column A	Column B
D. Boom	4. Panahon ng mabilis na pag-unlad ng ekonomiya at mababang unemployment.
E. Depression	5. Matagal at malubhang pagbaba ng ekonomiya na may mataas na kawalan ng trabaho.
F. Slump	6. Pagbagal ng ekonomiya na may pagbaba ng presyo.
G. Recession	7. Pangmatagalang pagbaba ng ekonomiya na tumatagal ng ilang buwan.
H. Stagflation	8. Tumataas ang presyo habang humihina ang ekonomiya.
I. Reflation	9. Bahagyang pagtaas ng presyo upang pasiglahin ang ekonomiya.
J. Disinflation	10. Pagbagal ng pagtaas ng presyo, hindi bumababa ang presyo.
K. Inflationary Gap	11. Mas mataas ang demand kaysa sa supply kaya tumataas ang presyo.
L. Phillips Curve	12. Trade-off sa pagitan ng kawalan ng trabaho at implasyon.

V. Takdang Aralin (assignment)

Panuto: Magbasa ng module o artikulo tungkol sa Dahilan at Epekto ng Implasyon. Gumawa ng maikling summary (1-2 talata) na nagpapaliwanag:

- Ano ang pangunahing dahilan ng implasyon sa Pilipinas?
- Paano ito nakaapekto sa buhay ng mga tao sa komunidad o pamilya?

Inihanda ni:

Bb. Ashley D. Pangilinan, BSEd Social Studies
Student-Teacher

Pinagtibay Ni:

Gng. Nina Catherine A. Pamintuan

VI. Reflection Based on Feedback and/ or Execution

The constructive comments from my CT helped improve the connection between the lesson’s objectives and the activities. I understood the need to align everything carefully so the lesson is coherent. I need to work on keeping the students focused and motivated throughout the lesson.

Noted by:

Dr. Christiandon G. Aviado
Internship Supervisor